

TE ARAWA ME ANA MOANA.

NO te 27 o nga ra o Hanuere 1926 nei ka whakaotia e te Poari Tiaki o te Arawa kia puta he whakaaro ma te Poari ara ma te Arawa ki nga tangata i puta te kaha ki te whakahaere i te Kechi o nga Moana, mai o te timatanga tae noa ki te tutukitanga o tera take.

Koia nei nga tangata i whakaaotia kia puta he Koha kia ratau:—

Wiremu Ereatara
H. K. Ehau
Te Morehu te Kirikau
Rev. F. Bennett

Ko Taiporutu Mitchell. Tiamama o te Poari tetahi, heoi kihai i whakaae kia uru ia ki taua ropu.

Kai te tika tonu enei tangata kua whakahuatia i runga ake nei, engari maaku e apiti atu ano nga ingoa o Taiporutu Mitchell me W. K. Wi Hapi, ehara i te mea kia puta he whakaaro kia raua, kaore, engari mo nga whakamaramatanga o nga mahi a ia tangata a ia tangata o te hunga kua whakahuatia i runga ake nei.

He aha nga mahi a enei tangata mo te Kechi o nga Moana i tika ai kia whakaarotia ratau? Kihai koia a Te Arawa i whakaaro kia ratau mo a ratau mahi?

MO WIREMU EREATARA.

No te hui i Tarewa i muri mai o te Whakataunga Tiaki o Te Hupirini Kooti "**Ka ahei ano i nga tangata Maori no ratau nga mcana, ara te takere onga Moana te kawē i o ratau take kia uiuia e te Kooti whenna Maori i runga i o ratau take "Maori."**

No tenei wa ka whakaotia e taua hui i tu ki Tarewa ma Wiremu Ereatara e whakaemi nga korero a te Arawa e pa ana ki nga Moana, i puta i roto i nga korero Kooti whenna Maori, whakawa Komiti i ora atu hui ranei, nga pakanga mo nga kai o te moana mo nga rohe ranei o te moana i waenga o nga hapu, o nga tangata ranei o roto i taua hapu—Ko taua korero hui whakatoto ki te aroaro o te Kooti whenna Maori ina tae te kechi a nga Maori ki te Kooti.

He mahi nui tatenei tangata inahoki te hui o nga pukapuka o nga Kooti hui kimihaunga.

No Rotorua ake	73	nga	pukapuka
.. Maketu	21	..	..
.. Te Taihoko	3	..	..
.. Taupo	22	..	..

No reira te hui o te mahi mo te whakatoto i te kaupapa o te kechi a te Arawa. Ahakoa i puta ano he whakaaro i te wa e mahi ana, e tika ana ano kia whai whakaarotia ia e te Arawa ki nga hua o tona kaha.